



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-30-310/22  
Sarajevo, 14.01.2022. godine

**DEDIĆ AIDA**  
71 000 Sarajevo

**OTPREMLJENO**  
20-01-2022

**potpis**

**PREDMET: Odgovor na obavijest o nepravilnom sprovođenju** Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21) dostavlja se;

Ministarstvo za boračka pitanja Kantona Sarajevo je dana 06.01.2022. godine zaprimilo – obavijest o nepravilnom sprovođenju Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21)( u daljnjem tekstu: Uredba), kojom obaviještavate ovaj organ da je prilikom bodovanja pri konkursnoj proceduri u JU "Dom zdravlja" Kantona Sarajevo, po Javnom oglasu za prijem u radni odnos pozicija 1. medicinska sestra/tehničar izvršeno nepravilno bodovanje, na Vašu štetu.

U Vašem dopisu iznosite tvrdnju da dodatni bodovi za Vas, kao djetetu demobilisanih boraca nisu tačno izračunati, jer na listi uspješnih kandidata, uračunati su samo bodovi za Vašeg oca i to nepravilno.


Naime, tražite i dodatno bodovanje za majku, jer je i Vaša majka bila pripadnik OS ARBiH.

U vezi Vaše obavijesti, nakon detaljnog razmatranja predmeta, dajemo Vam slijedeći odgovor:

- Odredbama člana 6. Uredbe propisano je bodovanje-vrednovanje korisnika iz Uredbe.

Vrednovanje je klasificirano na opće i dodatno vrednovanje-bodovanje.

- **Opće vrednovanje** za dijete demobiliziranog branitelja je predviđeno stavom (f), gdje se propisuje da se boduje dijete **demobiliziranog branitelja** sa 1 godinom učešća u Oružanim snagama 16,4+0,1% za svaki mjesec učešća u Oružanim snagama 16,4-20%.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1



- **Dodatno vrednovanje** za dijete demobiliziranog branitelja je predviđeno u članu 4. stav (2) tačka f) Instrukcije o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 38/20), gdje je propisano dodatno bodovanje za lice u statusu djeteta demobilisanog branitelja: maksimalno osnovno uvećanje (20%) + dijete za demobilisanog branitelja dobitnika ratnog priznanja (5%) + dijete za roditelja demobilisanog branitelja organizatora otpora (3%) + dijete za roditelja demobilisanog branitelja organizatora otpora, veterana (1,8%) + dijete za roditelja demobilisanog maloljetnog branitelja (2%) što iznosi maksimalno uvećanje od 31,8%.

Tako da ukoliko na pravnu normu primjenimo jezičko, logičko i ciljno tumačenje dolazimo do zaključka da dijete demobiliziranog roditelja ima pravo na opće i dodatne bodove ali samo za jednog roditelja.

Dakle, takvo dodatno bodovanje za oba roditelja nije normirano pozitivno pravnim propisima.

Zatim, bodovanje koje je izvršeno za Vašeg oca Gadžo Jusufa ( bio u Armiji RBiH 44 mjeseca) je povoljnije za Vas, nego da je izvršeno bodovanje za majku Gadžo Sabiru ( bila u Armiji RBiH 30 mjeseci), jer se može bodovati samo učešće jednog roditelja u OS ARBiH.

Bodovanje je izvršeno ispravno, gdje ste za učešće Vašeg oca Gadžo Jusufa dobili 14,70 bodova, što predstavlja 19,6% od 75 bodova, koji su dobiveni zbirom pismenog i usmenog ispita, tako da ukupan broj bodova iznosi 89,70.

Komisija za provođenje javnog oglasa je potpuno ispravno postupila po odredbama Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21), prilikom bodovanja u Vašem slučaju.

S poštovanjem,

Obradio : Hašim Halilović, dipl. pravnik


Kontrolisala : mr. Osman Smajlović

MINISTAR

Dr. sc. Omer Osmahović

**Dostaviti:**

-Naslovu,  
-a/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1

